



DA SILVA  
TEIXEIRA  
ASSOCIADOS

# Timór-Leste: Konsultasaun kona-ba Enkuadramentu Legál Mudansa Klimátika

JANEIRU 2023

COMMERCIAL IN CONFIDENCE

- Vizaun jerál no aprosimasaun ba Ezbosu
- Enkuadramentu Legál ba Mudansa Klimátika
- Timór-Leste

# Vizaun jerál no sumáriu aprosimasaun ba enkuadramentu legál mudansa klimátika Timór-Leste nian (Lei)



## SAIDA MAK ENKUADRAMENTU LEGÁL IDA BA MUDANSA KLIMÁTIKA?

1. **Hatudu kompromisu governu sira-nian atu responde ba mudansa klimátika, dalabarak aliña ho obrigasaun internasionál sira, liuhosi instrumentu lejizlativu doméstika ida-ne'ebé klaru no vinkulativu.**
2. **Promove kooperasaun no kolaborasaun entre governu** nia departamentu sira, bainbain **estabelese objetivu sira ba tempu baruk ba mitigasaun no adaptaun mudansa klimátika** no redusaun risku dezastre ko-eziste ho planu no lejizlasaun nasional sira seluk, inklui politika setoriál sira.
3. **Fornese sinál seguransa polítika ba tempu naruk and investmentu** hodi fasilita empreza no comunidade sira atu planeia no investe iha asaun klimátika, inklui estabelesimentu kualkér mekanizmu finansiamentu klimátika ne'ebé espesifiku.
4. Jeralmente konstitui **enkuadramentu amplu ida ne'ebé' iha futuro, bele implementa regulamentu detalladu** kona-ba kestaun klimátiku sira.

Ami nia options paper datadu 15 Agostu 2022 no apresenta husi DTA (**Options Paper**) ko'alia kona-ba kestaun prinsipál sira ne'ebé baibain hetan iha enkuadramentu legál mudansa klimátika ida, no opsaun sira kona-ba kestaun hirak ne'e parte interesada sira Timór-Leste nian bele konsidera.



## AMI NIA APROSIMASAUN BA ELABORASAUN LEI

- Ami bazeia ezbosu Lei ba Lei Mudansa klimátika Portuges hanesan pontu inisiál ida no konsidera ona polítika klimátika Timór-Leste nian ne'ebé eziste (inklui nia Politika Nasionál Mudansa Klimátika), nia Kontribuisaun Nasionál Determinadu ne'ebe atualizadu (**KND**) no ninia kontestu sosiál, ekonómiku no polítiku ne'ebé úniku.
- Ami elabora ona Lei ne'e ho objetivu atu hatudu ambisaun aas iha sirkunstánsia nasional Timór-Leste nian, no konsidera intensaun atu aumenta ambisaun ba beibeik tuir Akórdu Paris.
- Ita agora iha faze konsultasaun ho parte interesada sira atu konsidera komentáriu husi parte interesada sira kona-ba konteúdu husi ezbosu Lei no reflesaun sira kona-ba Options Paper atu halo alterasaun ba Lei tuir eijjénsia husi parte interesada sira.
- Nu'udar parte ba konsultasaun ida-ne'e, ami hein atu diskute kualkér pergunta ne'ebé parte interesada sira iha.



- Kapítulu-sira no opsaun ba diskusaun

# Kapítulu 1 define kontestu kona-ba oinsá atu lee no interpreta Lei ida-nee

**Sumáriu kapítulu:** Kapítulu ida-ne'e fó oportunidade ida atu fó referénsia espresamente Timór-Leste nia ambisaun klimátika no kualkér objetivu klimátiku relevante sira ba tempu naruk. Ida-ne'e inklui definisaun xave, objetivu no prinsipiu sira ne'ebé suporta medida mitigasaun no adaptasaun Timor-Leste nian.



**Mensajen prinsipál :** Timór-Leste nia parte interesada sira tenke konsidera nivél ambisaun saida mak Lei ne'e hakarak atu atinje no objetivu/prinsipiu xave sira ba inkluzauin iha kontestu Timór-Leste nian.



## KONSIDERASAUN-SIRA HUSI OPTIONS PAPER

Hanesan nota ona iha ami-nia Opsaun Paper, maioria enkuadramentu legál kona-ba mudansa klimátika hahú ho objetivu xave no prinsipiu orientasaun. Seksaun ida-ne'e mós fó oportunidade ba governu sira atu hatudu ambisaun, kualkér objetivu/stratéjia ba tempu naruk no aliñamentu ne'ebé klaru ho prinsipiu sira iha Akordu Paris nian.

Aleinde komunika ambisaun no estratéjia klimátika Timór-Leste nian, objetivu no prinsipiu sira ne'ebé forte mós sai nu'udar baze atu asegura kontinuasaun ba inisiativa klimátika sira tanba prinsipiu sira-ne'e sei kontinua aplika ba governu sira iha futuru.




## PROPOSTA ATUÁL EZBOSU LEI

Ami sujere ona lista inisiál ida kona-ba objetivu sira iha Artigu 4, bazeia ba kombinasaun prátika di'ak internasionál no aprosimasaun ne'ebé foti husi jurisdisaun sira ne'ebé hanesan, inklui Portugal.

Maske ami seidauk inklui espesífiku sira hanesan nee, artigu ida-ne'e mós bele uza atu estabelese meta mitigasaun ba tempu naruk (hanesan tuir Lei Mudansa Klimátika Reinu Unidu-nian) ka atu deklarar emerjénsia klimátika ida (hanesan tuir lejjlasaun klimátika Portugés).

Ami mós sujere ona lista inisiál ba prinsipiu sira iha Artigu 5 ne'ebé barak mak bazeia ba prinsipiu xave sira tuir lei ambientál internasionál sira inklui Akórdu Paris. Prinsipiu hirak-ne'e bele adapta hodi halo sira ambisiozu liu ne'ebé adekuaudu tuir objetivu klimátiku no sirkunstánsia nasional Timór-Leste nian.



## Pergunta-sira ba diskusaun parte interesadu

1. Ambisaun no objetivu sira husi Lei ida-ne'e apropriadu ba sirkunstánsia nasional Timór-Leste nian ka lae?
2. Definisauun sira-ne'e apropriadu ka lae? Iha buat ruma ne'ebé tenke aumenta ka hasai?
3. Responsabilidade ba kada ministériu relasiona mudansa klimátika ne'ebé define iha Artigu 4 no 5 apropriadu ka lae?
4. Deklarasaun emerjénsia klimátika apropriadu ba Timór-Leste ka lae? Se nune, iha hakarak ruma atu inklui ida-ne'e iha Lei ka lae?
5. Iha objetivu ruma ne'ebé tenke aumenta ka hasai?
6. Iha prinsípiu ruma ne'ebé tenke aumenta ka hasai?

## Kapítulu 2 klarifika direitu no devér klimátiku sidadaun Timór-Leste no Estadu nian

**Sumáriu kapítulu:** Kapítulu ida-ne'e esplika ho klaru direitu no obrigasaun sira ba sidadaun Timór-Leste sira ba ambiente ida-ne'ebé moos, saudavél no sustentavél nune'e mós direitu atu hetan protesau hasoru impaktu husi mudansa klimátika. Ida ne'e mós inklui direitu ba sidadaun Timór-Leste sira atu interven no/ka partisipa iha prosesu legál no administrativu sira relasiona ho prosedimentu asuntu klimátiku sira kona-ba kestaun klimátiku no obrigasaun estadu nian atu promove sidadania klimátika.



**Mensajen Prinsipál:** Parte interesada sira tenke konsidera se kapítulu ne'e nesesáriu ka lae. Maske ida-ne'e la'ós "opsaun xave" ida-ne'ebé diskute iha ami-nia *Option Paper*, maibé fó oportunidade ida atu klarifika direitu no obrigasaun-sira ba sidadaun sira no kria oportunidade ba sidadaun sira-nia envolvimentu no responsabilidade governu nian.



### PROPOSTA ATUÁL EZBOSU LEI

Laos enkuadramentu legál hotu kona-ba mudansa klimátika inklui kapítulu ida kona-ba direitu no devér klimátika. Hirak ne'ebé halo ida-ne'e jeralmente enkoraja sidadaun sira atu foti responsabilidade ba mitigasaun ba mudansa klimátika no ezije governu no kompañia sira atu foti asaun mitigasaun ba mudansa klimátika. Portugal nia enkuadramentu legál kona-ba mudansa klimátika estabelese podér ida-ne'ebé rekere entidade públika no privada sira atu kumpre sira-nia devér no obrigasaun klimátika.

Ami sujere ona direitu ba sidadaun Timór-Leste sira ba ambiente ida-ne'ebé moos, saudavél no sustentavél tuir Lei, no mós direitu atu hetan protesau hasoru impaktu husi mudansa klimátika. Lei ne'e mós inklui direitu ba sidadaun Timor-Leste sira atu interven no/ka partisipa iha prosesu legál no administrativu sira relasiona ho prosedimentu asuntu klimátiku sira kona-ba kestaun klimátiku no obrigasaun estadu nian atu promove sidadania klimátika.

Ida-nee karik la apropriadu iha kontestu Timór-Leste nian. Porezemplu, se iha protesau ne'ebé suficiente tuir Konstituisaun ba direitu individuál relasiona ho klima, karik kapítulu ida-ne'e la presiza.

## Pergunta-sira ba diskusaun parte interesadu

1. Direitu klimátiku ne'ebé define iha Artigu 6 apropriadu iha kontestu Timór-Leste ka lae? Iha direitu seluk ne'ebé tenke aumenta?
2. Devér klimátiku sira ne'ebé define iha Artigu 7 apropriadu iha kontestu Timór-Leste ka lae?
3. Iha protesaun suficiente tuir Konstituisaun Timór-Leste nian hodi halo kapítulu ida-ne'e la nesesáriu?





# Kapítulu 3 estabelese órgaun asesória klimátiku foun ida no rekizitu ida ba Governu atu dezenvolve no apresenta periodikamente Estratéjia Asaun Nasionál ba Mudansa Klimátika(1/2)

**Sumáriu kapitulu:** Kapitulu ida-ne'e introdús rekizitu ida ba Governu Timór-Leste atu dezenvolve periodikamente Estratéjia Asaun Nasionál ba Mudansa Klimátika. Estratéjia ida-ne'e aliña ho rekizitu sira iha Akórdu Paris nian hodi aumenta ambisaun iha tempu naruk liu husi dezenvolvimentu estratéjia mitigasaun no adaptasaun. Kapitulu ida-ne'e mós buka atu estabelese Konsellu Nasionál ba Asaun Klimátika ida-ne'ebé independente ho objetivu atu fó konsellu no koordenasaun ba Governu Timór-Leste, hodi fasilita dezenvolvimentu no ezekusaun polítika mudansa klimátika sira.



## KONSIDERASAUN-SIRA HUSI OPTIONS PAPER

Hanesan nota ona iha ami-nia options paper, enkuadramentu legál ba mudansa klimátika ida bele regula no introdús governasaun no estrutura institusionál ne'ebé apropriadu ba kontestu nasaun ida nian. Kualkér governasaun ka instituisaun foun ida tenke konsidera maximiza oportunidade atu rezolve kualkér lakuna iha kapasidade nune'e mós fasilita komunikasaun sentralizadu no koordenasaun entre departamentu no ministeriul sira.

Karik dezeńha ho apropriadu ba nasaun ida, estrutura no instituisaun sira-ne'e la'ós de'it bele fasilita kumprimentu ba Akórdu Paris no lei ambientál internasionál sira seluk, maibé mós bele hatudu realizasaun prinsípiu xave sira inklui transparénsia no responsabilidade.

Orgaun sira-ne'e mós uza ona iha nasaun seluk atu fasilita partisipasaun kona-ba asuntu mudansa klimátika hodi inklui partisipasaun públiku, privadu no comunidade (inklui partisipasaun husi grupu spesífiku sira hanesan grupu fetu sira), la'ós de'it atu asegura inkluziun perspetiva oioin, maibé mós atu apoia medida no prinsípiu integridade sira ne'ebé atrativu ba finansia klimátika.

## Kapítulu 3 estabelese órgaun asesória klimátiku foun ida no rekizitu ida ba Governu atu dezenvolve no apresenta periodikamente Estratéjia Asaun Nasionál ba Mudansa Klimátika(2/2)




**Mensajen Prinsipál:** Ami propoin ona introdusaun Konsellu Nasionál ba Asaun Klimátika (KNAK) (hanesan órgaun asesória ba governu) no rekizitu ida ba governu atu dezenvolve no atualiza Estratéjia Asaun Nasionál ba Mudansa Klimátika (EANMK) ba tempu naruk. Parte interesadu sira tenke konsidera apropriasaun husi KNAK no EANMK ba kontestu Timór-Leste.



### PROPOSTA ATUÁL EZBOSU LEI

Ami bazeia KNAK no EANMK ba iha estrutura instituisaun no governasaun tuir lei Portugés. KNAK nia papél ne'ebé propoin mak atu hala'o funsaun asesória no permite partisipasaun husi forsa sosiál, kulturál no ekonómika sira atu alkansa konsensu relasiona ho política klimátika iha Timór-Leste. Ninia responsabilidade sei inklui emite pareser no rekomendasaun kona-ba materia klimátiku no dezenvolvimentu sustentável no monitoriza aplikasaun no dezenvolvimentu dispozisaun sira husi Lei.

Timór-Leste bele konsidera kria ka reforsa mekanizmu sira ne'ebé eziste atu fasilita envolvimentu entre comunidade, setór públiku, setór privadu no organizaun sosiedade sivil. Porezemplu, lei sira estabelese ona Assembleia Sidadaun kona-ba Mudansa Klimátika iha Irlanda no Konsellu Nasionál ba Mudansa Klimatika iha Kolumbia.




## Questions for stakeholder discussion

1. Oinsa mak hadia liu tan partisipasaun oi-oin iha estrutura governasaun Timór-Leste nian? Karik iha mekanizmu governasaun ida-ne'ebé forte liu atu ajuda atinje ida-nee?
2. Oinsa mak bele hasa'e igualdade jéneru iha estrutura governasaun Timór-Leste nian?
3. Estabelesimentu Konsellu Nasionál ba Asaun Klimatika ida-ne'ebé independente apropriadu ba Timór-Leste ka lae?
4. Estrutura no membru Konsellu Nasionál ba Asaun Klimatika ne'ebé sujere apropriadu ka lae? Karik iha órgaun ka individu seluk ne'ebé tenke konsidera ba inkluzau iha konsellu ida-ne'e?
5. Ambitu husi Estratéjia Asaun Nasionál ba Mudansa Klimátika apropriadu ka lae?

## Kapítulu 4 define artigu sira kona-ba medida mitigasaun ne'ebé sei adopta iha Timór-Leste (1/2)

**Sumáriu kapitulu:** Kapitulu ida-ne'e hakarak inklui medida mitigasaun xave sira ne'ebé Timór-Leste sei adopta, no mós objetivu mitigasaun ba tempu naruk ne'ebé aplikável. Ami sujere ona asaun lubuk ida-ne'ebé rezumida liu tan iha kraik iha seksaun ezbosu lei.



### KONSIDERASAUN-SIRA HUSI OPTIONS PAPER

Ami nia Options Paper inklui opsaun sira ba enkuadramentu legál ba mudansa klimátika nian atu inklui dispozisaun sira ne'ebé espesífiku hodi estabeselese mekanizmu no meta sira ba redusaun emisaun hodi alkansa mitigasaun/dekarbonizasaun.

Medida mitigasaun bele inklui aprosimasaun merkadu no la'ós merkadu.

Hanesan esplika tiha ona, enkuadramentu legál balun estabeselese tiha ona nu'udar pioneiru ida atu estabeselese rejime komérsiu/autorizasaun emisaun domestika ka rejionál sira. Ida ne'e bele inklui komérsiu emisaun ka medida no politika sira kona-ba agrikultura karbonu, ne'ebé apoiu husi uzu kréditu karbonu no atribuisaun direitu karbonu (bain-bain ba rai-na'in ka proponente projetu).

Aprosimasaun la'ós merkadu bele inklui medida tipu komandu no kontrolu ne'ebé bele bandu ka regula atividade balun.

# Kapítulu 4 define artigu sira kona-ba medida mitigasaun ne'ebé sei adopta iha Timór-Leste (2/2)



**Mensajen Prinsipál:** Ami sujere ona opsaun mitigasaun lubuk ida atu inklui iha Lei Timór-Leste. Governu Timór-Leste prezisa konsidera objetivu mitigasaun-sira (inklui karik objetivu-sira ne'ebé ambisiozu liu tan tenke estabelese aleinde objetivu-sira ne'ebé iha KND foin lalais ne'e) no medida sira ne'ebé sei adopta ba mitigasaun emisaun ne'ebé apropriadu ba kontestu Timór-Leste nian.



## PROPOSTA ATUÁL EZBOSU LEI

Dispozisaun mitigasaun baibain inklui meta mitigasaun spesífiku sira. Ami seidauk sujere meta mitigasaun kuantifikadu sira, maibé inklui meta amplu liu ne'ebé aliña ho objetivu ba tempu naruk husi Akórdu Paris nian tuir Artigu 12. Ami-nia sujestaun iha dispozisaun mitigasaun mós aliña ho obrigasaun parte sira husi nasaun dezenvolvimentu sira atu hasa'e esforsu mitigasaun (Artigu 4.4) no nasaun menus dezenvolidu sira no Estadu illa ki'ik sira iha dezenvolvimentu atu konsidera prepara planu mitigasaun ba dezenvolvimentu emisaun gás ho efeitu estufa ki'ik sira ne'ebé reflète sira-nia sirkunstánsia espesiál (Artigu 4.6).

Kapítulu ida-ne'e kontempla kona-ba projetu karbonu sira iha Timór-Leste ne'ebé bele produz kréditu karbonu liuhosi solusaun sira ne'ebé bazeia ba natureza no merkadu hanesan projetu reforestasaun. Artigu 14 buka atu fasilita liután regulamentu no halo klaru se mak na'in ba direitu karbonu. Klaridade ida-ne'e hanesan pasu importante dahuluk ida ba proponente no investidór projetu sira. Maske sei prezisa regulamentu seluk tan atu estabelese prátika agrikultura karbonu, ida-ne'e hanesan pasu inisiál importante ida hodi kria seguransa legál no investimentu.

Kapitulu ida-ne'e mós inklui aprosimsaun komandu no kontrolu ba mitigasaun. Liu-liu, kapítulu ida-ne'e fó direitu ba Estadu atu introdús regulamentu sira atu hamenus emisaun gás ho efeitu estufa fluorinadu sira no regula programa deskarbonizasaun públiku no privadu sira. Ami sujere ona artigu sira-ne'e tuir kompromisu internasionál sira seluk hanesan kompromisu sira ne'ebé hakerek iha Alterasaun Kigali ba Protokolu Montreal.



## Artigu 4.4 – Akórdu Paris

[...] Parte sira iha nasaun dezenvolvimentu tenke kontinua reforsa sira-nia esforsu mitigasaun, no enkoraja sira atu avansa ba tempu baruk hodi alkansa redusaun emisaun iha ekonomia hot-hotu ka meta limitasaun-sira tuir sirkunstánsia nasional oin-oin.



## Artigu 4.6 – Akórdu Paris

Nasaun menus dezenvolidu sira no Estadu illa ki'ik sira iha dezenvolvimentu bele prepara no komunika estratéjia, planu no asaun sira ba dezenvolvimentu emisaun gás estufa ki'ik ne'ebé reflète sira-nia sirkunstánsia espesiál sira.

## Pergunta-sira ba diskusaun parte interesadu

1. Saida mak Ita-boot nia hanoin kona-ba aprosimasaun merkadu no projetu sekestrasaun karbonu (inklui solusaun bazeia ba natureza hanesan projetu reforestasaun no/ka projetu karbonu azúl) ba Timór-Leste, no nota tuir KND katak ida-ne'e kondisionál ba asesu ba finansas klimátika no asisténsia téknika?
2. Saida mak Ita-boot sira-nia hanoin kona-ba direitu karbonu iha kontestu projetu sira kona-ba sekestrasaun karbonu? Se mak tenke sai na'in ba direitu sira-nee? Oinsa mak direitu sira-ne'e tenke rejistu?
3. Obrigasaun ba terseiru parte sira (hanesan instituisaun privadu-sira) apropiadu iha kontestu Timor-Leste ka lae?
4. Iha hakarak atu servisu ba preparasaun meta kuantitativa ne'ebé lolos kona-ba redusaun emisaun?

## Kapítulu 5 estabele medida adaptasaun ba mudansa klimátika (1/2)

**Sumáriu kapítulu:** Timór-Leste vulnerável tebes ba efeitu mudansa klimátika. Ami komprende katak medida adaptasaun ne'e karik sai hanesan prioridade xave ba Governu Timór-Leste. Kapítulu 5 intende atu destaka medida adaptasaun sira, ne'ebé la'ós de'it importante atu jere risku fiziku, maibé mós fó oportunidade ba Timór-Leste atu estabele asaun ambisiozu sira.



### KONSIDERASAUN-SIRA HUSI OPTIONS PAPER

Aprosimasaun polítika ne'ebé predominante ba nasaun sira ne'ebé iha desenvolvimentu atu hatán ba medida adaptasaun ba mudansa klimátika mak dezenvolve planu, polítika no estratéjia sira ne'ebé define asaun prioridade sira iha jestaun risku dezastre, planeamentu no desenvolvimentu no jestaun rekursu/rai. Mantein fleksibilidade mak xave.

Porezemplu, lei mudansa klimátika Filipina nian fó mandatu atu implementa matadalan sira ba determina vulnerabilidade ba impaktu ba mudansa klimátika no avaliasaun adaptasaun, no fasilita formasaun ba planeamentu adaptasaun lokál, implementasaun no monitorizasaun ba iniciativa mudansa klimátika iha comunidade no área vulneravel sira.

Mauritius estabelese Estratéjia Adaptasaun Nasional ba Mudansa Klimátika no Planu Asaun ne'ebé inklui elaborasaun polítika, rekomendasaun kona-ba edukasaun, formasaun no konsiénsia públika, no aprosimasaun ba monitorizasaun, avaliasaun no relatóriu kona-ba adaptasaun ba mudansa klimátika.

Timór-Leste sei presiza konsidera área prioridade ka asaun sira ne'ebé presiza finansiamentu/fundu adisionál ba klima.

## Kapítulu 5 estabele medida adaptasaun ba mudansa klimátika (2/2)



**Mensajen Prinsipál:** Ami sujere ona obrigasaun ida ba Governu atu dezenvolve no aprova Planu Adaptasaun Nasionál periodiku tuir prátika komún iha enkuadramentu legál sira seluk kona-ba mudansa klimátika. Planu hirak-ne'e bele dezenvolve tuir Artigu 7 husi Akórdu Paris, Enkuadramentu Adaptasaun Kancun nian no kualkér prosesu doméstiku ne'ebé eziste. Planu adaptasaun sira bele koordena liuhosi KNAK. Importante ba Governu Timór-Leste atu konsidera la'ós de'it proposta nee, maibé mós medida adaptasaun prioridade sira seluk ne'ebé tenke implementa iha nivél nasionál.




### PROPOSTA ATUÁL EZBOSU LEI

Ejije ba Governu Timór-Leste atu dezenvolve Planu Asaun Nasionál ida ba Adaptasaun ba Mudansa Klimatika, ne'ebé ho objetivu atu reforsa kapasidade adaptasaun no fasilita integrasaun adaptasaun ba mudansa klimátika iha polítika relevante sira.

Planu Asaun Nasionál ne'e sei estabelese matadalan ba avaliasaun risku klimátiku no vulnerabilidade, estabelese planu adaptasaun ba setór espesífiku sira no hamenus risku impaktu ba ema no danu ba propriedade no ekosistema sira ne'ebé asociadu ho mudansa klimátika.

Sujestaun sira ne'ebé ami hato'o ona iha kapítulu ne'e bazeia ba kompromisu inkondisionál tuir Timór-Leste nia KND ne'ebé atualizadu ona no mós asaun sira ne'ebé Timor-Leste foti ona iha relasaun ho ida-nee.





## Pergunta-sira ba diskusaun parte interesadu

1. Kapítulu ida-ne'e refleto diti'ak prioridade adaptasaun Timór-Leste nian tuir Planu Adaptasaun Nasionál Timór-Leste nian ka lae? Presiza aumenta ka hasai prioridade ruma?
2. Dispozisaun sira atu kria Planu Asaun Nasionál ida ba Adaptasaun ba Mudansa Klimátika hanesan agora dadaun elabora hela nia ezbosu kapta diti'ak prioridade hirak-ne'e?
3. Iha ambisaun atu inklui elementu adisionál sira iha planu ida-ne'e, hanesan ezemplu polítika jestaun risku ne'ebé komprehensivu, benefísiu mútua husi atividade konservasaun ambientál no konsiderasaun jestaun rekursu naturál sira?
4. Area ka asaun prioridade saida de'it mak presiza finansiamentu/fundu adisionál ba klima?

## Kapítulu 6 estabelese prinsípiu infraestrutura ARV nian atu monitoriza emisaun-sira (1/2)

**Sumáriu kapítulu:** Kapítulu ida-ne'e estabelese komponente esensiál atu kria infraestrutura ARV iha Timór-Leste. Ezije ba Governu Timór-Leste atu dezenvolve inventáriu nasionál ida kona-ba emisaun no redusaun emisaun gás ho efeitu estufa no apresenta relatóriu anuál ida kona-ba progresu ne'ebé alkansa ona relasiona ho redusaun emisaun.



### KONSIDERASAUN-SIRA HUSI OPTIONS PAPER

Baze ba medida mitigasaun hotu-hotu mak presija dados ne'ebé loos kona-ba emisaun GEE nian. Dados hirak-ne'e hanesan pasu esensiál dahuluk ba relatóriu emisaun sira ne'ebé transparente, estabelese meta apropriadu sira, determina ámbitu atividade mitigasaun ne'ebé hala'o/nesesariu no kria baze ba agrikultura karbonu no alokasaun direitu/kreditu karbonu.

Nasaun barak mak estabelese ona kuadru reguladór globál ba relatóriu kona-ba emisaun GEE no ARV, ezemplu hanesan Fiji no Portugal.

Parte interesadu sira tenke konsidera se obrigasaun adisionál sira tenke implementa atu permite Governu Timór-Leste hetan dados ne'ebé nesesáriu ba ARV nia objetivu sira (no se loos, husi se).



### Artigu 13.3 – Akórdu Paris

Enkuadramentu transparénsia ne'e tenki harii no reforsa akórdu transparénsia sira tuir Konvensaun, rekoñese sirkunstánsia espesiál sira husi nasaun menus dezenvolidu no Estadu illa ki'ik sira ne'ebe iha dezenvolvimentu, no implementa ho maneira ne'ebé fasilita, la'ós intruzivu, la'ós punitivu, respeitu ba soberania nasionál, no evita tau todan ne'ebé la loos ba Parte sira.



### Artigu 13.7 – Akórdu Paris

Parte ida-idak tenke fó informasaun regulár hanesan tuir-mai ne'e:

- a) Relatoriu inventáriu nasionál ida kona-ba emisaun antropojénika sira husi fonte no eliminasaun sira husi sink gás ho efeitu estufa nian, ne'ebé prepara ho métodu prátika di'ak ne'ebé aseita husi Painél Intergovernmentál kona-ba Mudansa Klimatika no konkorda husi servisu Konferénsia Parte-sira tuir sorumutuk Parte sira ba Akordu nee; no
- b) Informasaun nesesáriu hodi monitoriza progresu ne'ebé halo ona iha implementasaun no atinji ninia kontribuisaun determinadu iha nível nasionál tuir Artigu 4.

## Kapítulu 6 estabeselese prinsípiu infraestrutúra ARV nian atu monitoriza emisaun-sira (2/2)



**Mensajen Prinsípál:** Parte interesada sira Timór-Leste nian tenke konsidera atu inklui kompromisu ida ba Governu atu implementa sistema ARV, no mós konsidera pasu sira tuir mai ne'ebé presiza atu estabeselese sistema ARV ida-ne'ebé sólidu. Asisténsia téknika sei presija atu estabeselese kualkér sistema hanesan ARV.




### PROPOSTA ATUÁL EZBOSU LEI

Sistema ARV sira la'ós de'it importante ba rekolla no relatóriu dadus ne'ebé transparente no verifikável, maibé mós sei esensial atu permite partisipasaun iha futuru iha komérsiu karbonu ka atividade agrikultura karbonu. Sistema ARV ne'ebé sólidu mós sei atrai investidór sira. Maibe, ami nota katak estabesimentu sistema ARV iha Timór-Leste sei envolve kapasitasaun no formasaun ne'ebé significante.

Ami inklui ona rekizitu jerál ida ba Governu atu halo avaliasaun kontinua no apresenta ba Parlamentu relatóriu anuál ida kona-ba polítika redusaun emisaun, asaun sira ne'ebé foti hodi adapta ba mudansa klimátika no progresu sira ne'ebé halo ona iha redusaun emisaun.

Obrigasaun adisionál karik sei presija atu permite Governu hetan dadus inisial nesesáriu ba ARV nia objetivu (ezemplu hanesan obligasaun setór privadu nian atu fornese dadus no/ka obligasaun ba relatóriu). Bele mós rekere obligasaun adisionál atu dezenvolve formasaun no kapasitasaun nesesáriu hodi estabeselese sistema ARV iha Timór-Leste.

Sistema ARV ida mós bele dezenvolve atu kompleta rekerimentu relatóriu ka transparénsia ba Timor-Leste iha futuru tuir Artigu 13 husi Akórdu Paris, no apoiu prosesu sira hanesan atualiza Timór-Leste nia Kontribuisaun Determinadu nivél Nasionál iha futuru no programa stocktakes. Sistema ARV hanesan ne'e sei presiza konsidera iha lejislasaun seluk tan. Objetivu husi Lei ne'e kona-ba tópiku ida-ne'e mak atu estabeselese baze ne'ebé bele dezenvolve sistema ARV.




## Pergunta-sira ba diskusaun parte interesadu

1. Tenke iha kompromisu ida ba Governu Timór-Leste atu implementa sistema ARV sira ka lae?
2. Tenke implementa obrigasaun adisionál sira atu permite Governu Timór-Leste hetan dadus nesesáriu ba ARV nia objetivu sira ka lae? Dadus saida de'it mak eziste ona no saida tan mak prezisa hetan?
3. Tenke fó obrigasaun ba autór setór privadu sira atu fornese dadus ne'ebé prezisa ba objetivu ARV sira?
4. Tenke implementa obrigasaun adisionál sira atu apoiu formasaun no kapasitasaun nesesáriu ba sistema ARV sira iha Timór-Leste ka lae? Governu prezisa lejislasaun kona-ba arranju institusionál sira ne'ebé nesesáriu atu estabelese sistema ARV sira?
5. Politika doméstika saida de'it mak Governu tenke konsidera bainhira halo regulamentu kona-ba sistema ARV sira (hanesan ezemplu polítika konservasaun biodiversidade no seguransa ai-han)?

# Kapítulu 7 ho objetivu atu fasilita finansiamentu klimátiku ba Timór-Leste.


**Sumáriu kapítulu:** Kapítulu ida-ne'e preve kona-ba estabesimentu fundu verde nasionál ida atrai no implementa finansiamentu klimátiku no estabelese prinsípiu sira kona-ba finansiamentu sustentável. Ninia objetivu mak atu kria ambiente ne'ebé fasilita atrai finansiamentu klimatiku.

 **Mensajen Prinsipál:** Parseiru interesadu sira Timór-Leste nian tenke konsidera prioridade sira kona-ba finansiamentu klimátika no apropriaun husi estabesimentu fundu verde.

 **KONSIDERASAUN-SIRA HUSI OPTIONS PAPER**

Hanesan nota ona iha ami-nia Options Paper, enkuadramentu legál sira bele estabelese mekanizmu finansiamentu klimátiku spesífiku sira. Nasaun barak ne'ebé iha dezvoltimentu depende maka'as ba finansiamentu klimátika publika, nune'e mós buka atu optimiza investimentu husi setór privadu.

Lei ne'e bele estabelese órgaun spesífiku finansiamentu klimátiku ka rekere mekanizmu koordinasaun no governasaun inter-ministerial atu apoia envolvimentu ho mekanizmu finansiamentu klimátiku ka dezvoltimentu fundu klimátiku nasionál (hanesan halo tiha ona iha Mexiku no Kenia). Esforsu hirak-ne'e fasilita asesu ba finansiamentu klimátiku públiku ne'ebé bele mós uza potencialmente atu promove investimentu setór privadu.

 **PROPOSTA ATUÁL EZBOSU LEI**

Ami sujere ona konjuntu inisiál ida kona-ba dispozisaun finansiamentu klimátika bazeia ba prátika di'ak internasionál no lei klimátika Portugés.

Ami inklui ona espasu rezervadu ida ba estabesimentu fundu verde nasionál ida atu atrai no implementa finansiamentu klimátika no estabelese rekizitus ba finansiamentu sustentável.

Ami mós inklui ona rekezitu ida ba Estadu atu ajusta nia polítika kréditu no investimentu no nia portfólio patrimóniu hodi promove realizaun polítika klimátika Timor-Leste nian.

Ikus liu, ami inklui ona prinsípiu-sira ba finansiamentu sustentável, inklui konsiderasaun husi atór públiku no privadu sira relaciona ho risku klimátiku no impaktu klimátiku iha sira-nia desizaun kona-ba finansiamentu.

## Pergunta-sira ba diskusaun parte interesadu

1. Saida mak Timór-Leste nia prioridade sira ba finansiametu klimátika?
2. Estabelesimentu fundu verde ne'e apropriadu ba Timor-Leste ka lae? Oinsa mak ida-ne'e bele ko-eziste ho projetu Fundu Verde ba Klima ne'ebé foin lalais ne'e aprova ona ba sistema alerta sedu?
3. Matadalan saida de'it mak apropriadu kona-ba finansiametu klimátika iha kontestu Timór-Leste?

# Kapítulu 8 estabelese oinsá política Timór-Leste nian ne'ebé eziste no foun iha setór oioin tenke interaje ho política klimátika-sira

**Sumáriu kapítulu:** Kapítulu ida-ne'e deskreve oinsá política no desizaun klimátika iha Timór-Leste tenke ko-eziste ho lejislasaun no política setoriál nasionál sira seluk.



**Mensajen Prinsipál:** Timór-Leste nia Parte interesadu sira tenke konsidera karik no oinsá política klimátika sira tenke interaje ho política sira ne'ebé eziste no foun iha setór oin-oin, nota katak Política Nasionál ba Mudansa Klimátika salienta nesidade ba mudansa klimátika atu integra iha política no planu setoriál sira.



## KONSIDERASAUN-SIRA HUSI OPTIONS PAPER

Hanesan diskute ona iha ami-nia Options Paper, lei klimátika tenke ko-eziste ho planu no asaun nasionál sira seluk no/ka lejislasaun ezistente sira, inklui política setoriál, sein duplikasaun ka kontinjénsia ba lei nasionál foun sira.

Lei klimátika barak iha jurisdisaun sira seluk implementa política spesifiku setór nian relaciona ho klima. Porezemplu, lei Fiji nian estabelese meta sustentabilidade tasi nian ba tempu naruk; lei Mexiku altera lei no regulamentu 40 ne'ebé eziste; no lei Portugés kobre política setoriál, hanesan tranzisaun enerjia, esplorasau idrokarbonu iha territóriu nasionál no transporte.



## PROPOSTA ATUÁL EZBOSU LEI

Ami sujere ona konjuntu inisiál area política ida atu konsidera, inklui (maibe la'ós limitadu ba) enerjia, transporte, kaptura no armazenamentu karbonu, bee, peska, edukasaun, saude, seguransa no turizmu.

Ami buka atu aliña dispozisaun sira ho política spesífiku setór nian ho Política Nasionál Mudansa Klimátika Timór-Leste nian no mós ho KND ne'ebé atualizadu iha instánsia dahuluk. Sei presiza konsultasaun tan ho partisipante sira husi setór xave sira no mós orientasaun husi ministériu relevante Governu nian atu aseguara alinñamentu ho prioridade ka rekizitu lejizlativu sira seluk.

Sei presiza mós konsultasaun tan atu komprende proposta sira ne'ebé apropriadu ba kontestu Timór-Leste nian.

## Pergunta-sira ba diskusaun parte interesadu

1. Politika espesífiku setór nian apropiadu ka lae iha kontestu Timór-Leste nian?
2. Karik iha mós setór seluk ne'ebé tenke konsidera hodi inklui?
3. Oinsa política hirak-ne'e aliña ho prioridade ka rekizitu lejislativu sira seluk, inklui lei ne'ebé eziste ka ezbosu lei espesífiku setór nian (ezemplu Dekretu-Lei Enerjia Renovável)?




# Kapítulu 9 estabese oinsá polítika Timor-Leste nian ne'ebé eziste no foun iha setór oioin tenke interaje ho polítika klimátika-sira

Sumáriu kapítulu: Kapítulu ida-ne'e estabesele kuadru responsabilidade no sansaun ba asaun sira ne'ebé bele kontribui ba mudansa klimátika.



**Mensajen Prinsipál:** Parte interesada sira Timór-Leste nian tenke konsidera nivél sansaun no aplikasaun ne'ebé apropriadu ba violasaun obrigasaun klimátika iha Timór-Leste, no apropiasaun atu estabesele reguladór independente ida hodi monitoriza aplikasaun Lei.



## KONSIDERASAUN-SIRA HUSI OPTIONS PAPER

Hanesan diskute ona iha ami-nia Options Paper, supervizaun ne'ebe la efikaz kona-ba klima estraga konfiansa iha merkadu no afeta ho maneira negativa ba integridade no valór husi medida mitigasaun ka kréditu karbonu ne'ebé mai husi medida hirak nee.

Relasiona ho implementasaun, Lei Timór-Leste bele estabesele reguladór independente sira ho podér no instrumentu oioin atu aplika dispozisaun relevante sira iha lejislasaun. Instrumentu hirak-ne'e bele husi abilidade atu emite orden kumprimentu ka sansaun sivil, to'o impoin sansaun kriminal ba ofensa sira ne'ebé grave liu. Porezemplu, Nova Zelandia estabesele ona Autoridade Protesaun Ambientál ida-ne'ebé jere rejistu ba rejime komérsiu emisaun Nova Zelandia nian.



## PROPOSTA ATUÁL EZBOSU LEI

Ami inklui ona dispozisaun sira ne'ebé ezije Estadu atu monitoriza no halo inspesaun ba atividade sira ne'ebé bele hamosu impaktu klimatiku negativu, no ninia objetivu mak atu asegura kumprimentu ho instrumentu lejislativu ambiental no klimatiku sira.

Ami mós estabesele ona kuadru responsabilidade no sansaun ida. Maske lejislasaun subsekente sei prezisa no sei define detallu tékniku (inklui nivél multa, porezemplu), kuadru sansaun sei kobre asaun no omisaun sira ne'ebé perigozu ba klima, prátika sira ne'ebé viola dispozisaun legál no regulamentár sira kona-ba klima no abuzu ka abuzu rekursu natural sira.

Parte interesadu sira mós tenke konsidera se apropriadu atu estabesele reguladór independente ida atu lidera supervizaun no aplikasaun dispozisaun klimátika sira. Ninia instrumentu sira bele husi abilidade atu emite orden kumprimentu ka sansaun sivil, to'o impoin sansaun kriminal ba ofensa sira ne'ebé grave liu.

## Pergunta-sira ba diskusaun parte interesadu

1. Saida mak nivél ambisaun kona-ba sansaun no aplikasaun ba violasaun obrigasaun klimátika?
2. Karik apropriadu atu estabelese reguladór independente ida atu monitoriza implementasaun Lei nee?
3. Se nune, podér saida de'it mak reguladór ida-ne'e tenke iha implementa kumprimentu ho dispozisaun klimátika sira?

# Kapítulu 10 estabelese dispozisaun finál sira kona-ba Lei Fundu Petroliferu no konsiderasaun sira ba kooperasaun internasionál kona-ba klima

**Sumáriu kapítulu:** Kapitulu ida-ne'e ezije Estadu atu promove programa kooperasaun internasionál kona-ba mudansa klimátika. Kapítulune'e mós ezije ba Governu atu prezenta revizaun ida ba regra sira ne'ebé regula polítika investimentu Fundu Petroliferu nian hodi asegura katak ida-ne'e konsistente ho objetivu klimátika sira ne'ebé define iha lei.



**Mensajen prinsipál:** Parte interesada sira Timór-Leste nian tenke konsidera oinsá atu atinje di'ak liu kooperasaun internasionál kona-ba klima iha kontestu Timór-Leste nian no apropiasaun husi polítika investimentu Fundu Petroliferu nian iha kontestu kompromisu klimátiku Timor-Leste nian.



## PROPOSTA ATUÁL EZBOSU LEI

Dispozisaun sira-ne'e ezije Estadu atu promove programa kooperasaun internasionál sira, projetu no asaun sira kona-ba mudansa klimátika, atu nune'e bele atinje adaptasaun no reziliénsia, hodi favorese kooperasaun ho nasaun viziñu sira. Ida-nee bele inklui kapasitasaun ba mudansa klimátika, transferénsia teknolojia mitigasaun ka adaptasaun, asaun mitigasaun mudansa klimátika no asaun adaptasaun ba mudansa klimátika.

Iha tinan ida nia laran hahú husi Lei hahú hala'ó knaar ho kbiit legál, Governu tenke prezenta revizaun ba Parlamentu Nasionál kona-ba regra sira ne'ebé regula polítika investimentu Fundu Petroliferu nian hodi asegura katak regra hirak ne'e promove realizasaun objetivu polítika klimátika nian no desenvolvimentu atividade ambientál sustentavel sira.

Ikus liu, kapítulu ida-ne'e nota katak Lei ne'e hahú hala'ó knaar ho kbiit legál iha loron ida tuir-mai hafoin nia publikasaun.

## Pergunta-sira ba diskusaun parte interesadu

1. Saida mak Timór-Leste nia prioridade sira ba kooperasaun internasionál?
2. Nasaun sira ne'ebé mak Timór-Leste tenki kolabora besik liu?
3. To'o iha ne'ebé polítika investimentu Fundu Petroliferu ne'e apropriadu iha kontestu Timór-Leste nia kompromisu klimátiku? Revizaun Governu nian ba polítika ida-ne'e viavél no apropriadu iha kontestu Timór-Leste nian ka lae?



Delivering *Net Zero*

